

傷寒正醫四錄

七

傷寒正醫錄

卷九 目次

差後勞復食復六條

附

女勞復

陰陽易

枳實梔子豉湯

牡礪澤瀉湯

竹葉石膏湯

竹皮湯

千金赤衣湯

青竹茹湯

獬鼠矢湯

燒裨散

二灰散

瘕病五條

海藏白朮湯

海藏神朮散

濕病八條

方選用

暍病三條 方選用

暑病十九條

大順散

清暑益氣湯

冷香飲子

漿水散

黃連解毒合生脉散

白虎加人參竹葉湯

人參黃連湯

選奇方

生脉散

六一散

香薷飲

十味香薷飲

六和湯

黃連解毒湯

涼膈散

補中益氣湯

加減

蒼朮白虎湯

霍亂五條

方酌用

瘡二十三條

桂枝湯

小柴胡湯

大羌活湯

藿香正氣散

清暑益氣湯

白虎加桂枝湯

白虎加人參湯

大柴胡湯

五苓散

逍遙散

六味七味八味湯

補中益氣湯

滋腎生肝飲

理中湯

理中加桂湯

人參建中湯

六君子加柴胡湯

清脾飲

青皮飲

草果飲

蜀漆散

牡蠣湯

三解湯

何首烏湯

荆氏三方

久瘡全消丸

痢一十八條 附 脫肛

敗毒散加味

芍藥湯

補中益氣湯

平胃散

保和丸

萊菔黃連人參湯

理中丸加味

五穀蟲散

田螺外治二法

桔梗歸芍湯

槐花木香湯

巴豆蠟丸

香連丸加味

桂根人參湯

真人養藏湯

大防風湯 清六丸

加味香連丸

白頭翁湯

加減平胃散

蒼木地榆湯

犀角散

鬱金湯

十寶湯

草菱牛乳湯

葛根湯

大斷丸

仙傳萬應丸

小柴胡湯

小承氣湯

建中湯

四君六君子湯

二神四神丹

大承氣湯

傷寒正醫錄卷九

差後勞復食復 女勞復 陰陽易

病新差後。氣血俱虛。古人云。如大水浸牆。水退則牆蘇。不可犯之。強人須足兩月。虛人須足百日。安靜調養。方能復元。若思慮則勞神。勤動則勞力。或食太過。或食不宜食之物。皆足以復病。至精髓枯燥之人。一犯房事。禍不旋踵。華陀所謂餘事尚可。女勞卽死者也。

大病差後勞復者。枳寔梔子豉湯主之。若有宿食者。加大

黃如博碁犬五六枚。

此非虛勞復。必食復也。梔子豉湯。本是太陽湧劑。以熱聚於上。苦則泄之也。此則經云火淫所勝。以火發之。故用清漿水空煮四升。後入藥同煮。乃欲其趨下不致上湧。故取微似汗以解。

枳寔梔子豉湯

枳寔

三枚

梔子

十四枚

豉

一升

右三味。以清漿水七

升。空煮取四升。內枳寔梔子煮取二升。下豉更煮五六沸。去渣。溫分再服。覆令微似汗。

傷寒差已後。更發熱者。小柴胡湯主之。脉浮者以汗解之。沉寔者以下解之。

用小柴胡。必邪在半表半裡。脉浮爲在表。必有外感。沉爲在裡。必飲食不節。

大病差後。從腰以下有水氣者。牡蠣澤瀉湯主之。土弱不能制水。則發腫。然幸尚在腰以下。故雖新虛之人。用重剗泄之者。蓋恐其勢汎溢。祛除不及也。

牡蠣澤瀉散

牡蠣

煨

澤瀉

括萎根

蜀漆

葶藶

炒

商陸根

海

藻洗去鹽

等分。異篩爲散。更入臼中杵之。白飲和服。方

寸七。小便利。止後服。

傷寒解後。虛羸少氣。炁逆欲吐者。竹葉石膏湯主之。

虛羸少氣。解後之常也。炁逆欲吐。則必有餘邪未盡。痰飲上湧者。故以竹葉石膏清胃。與小腸之熱。半夏豁痰。止嘔。麥冬清肺除煩。甘草粳米益胃。人參補氣以扶正。尤虛羸所宜。

竹葉石膏湯

竹葉二斤 石羔一斤 半夏半斤 人參三兩 甘草炙二兩 粳米半升 麥冬

去心
一升

水一斗煮取六升。去渣。內粳米煮米熟成湯。去

米。溫服一升。日三服。

大病差後。喜睡。久不了了。胃上有寒。當以圓藥溫之。宜理中圓。

胃中有寒。則津液凝而頻吐。設用逐飲破滯之藥。快利一時。而胃愈虛。痰愈生。必漸至食少肌枯。故以理中圓溫之。不用湯者。丸以緩之也。

病人脉已解。而日暮微煩。以病新瘥。人強與穀。脾胃氣尚虧。不能消穀。故令微煩。損穀則愈。

日暮爲陽明旺時。故食多而煩。胃氣未旺而強穀。則飲食不足以益。而反受其害。不如節之矣。

準繩云。病後犯女色者。爲女勞復。其候頭重不舉。目中生花。腰背疼痛。或小腹裡急絞痛。或增寒發熱。或時陰火上衝。頭面烘熱。心胸煩悶。活人書以猥鼠屎湯主之。有熱者。以竹皮湯燒裋散主之。千金方以赤衣散主之。虛弱者。以人參三白湯調下赤衣散爲妙。若小腹急痛。脉沉逆冷者。以當歸四逆湯加附子吳茱萸送下。赤衣散救之。仍以吳茱萸一升。酒炒熨小腹爲佳。凡卵縮入。

腹離經脉見者死不可治也。

男子病新瘥未平復而婦人與之交接得病曰陽易。婦人病新瘥未平復而男子與之交接得病曰陰易。蓋以陰陽感動餘邪着人如換易然。其病身熱衝胸頭重不能舉眼中生花四肢拘急小腹絞痛手足拳則死。蓋男之女勞復者病後體虛必婦人體盛故自復而女不易若彼此虛則彼此易矣。熱者燒裊散竹皮湯青竹茹湯寒者猧鼠屎湯乾姜湯當歸白朮湯有以人參湯調下燒裊散神效。裊者裊襠中間近陰處一塊燒灰服。

竹皮湯 治女勞復。腹中絞痛有熱者。

青竹皮 刮半升 水二鐘煎七分服。

千金赤衣散 治女勞復并陰易。

室女月經布近陰處者。燒灰白湯下。日三服。

青竹茹湯 治陰易熱氣衝胸。手足拘急。搐搦如中風。

瓜蒌根 刮半升 水二升。煮取一升二合。去

渣。分二三服。

獬鼠矢湯 治女勞并陰易。

韭白根 把一頭尖者 水五升。煮取半升。去渣。再

煎溫服。未效再服。

海藏云。脉在厥陰。當歸四逆湯。送下燒裊散。脉在少

陰。通服四逆湯。送下燒裊散。脉在太陰。四順理中丸。

送下燒裊散。

二灰散 治陰陽易。

手足指甲

二十片男病用
女女病用男

中衣襠

近隱處一
片互換同

並燒灰研

細。或溫酒米湯調下。日三服。交接勞復。陰卵腫。或縮入
腹。腹絞痛。或便絕。蚯蚓數條。絞取汁服之良。

○瘧病

瘧候爲瘧後之傳訛也

痙濕暍。皆太陽外感之症。故長沙合以名篇。然痙爲熱病之最劇者。由風寒濕三者相雜而成。名曰太陽寔三陽三陰俱有。海藏云。三陽太陰俱病。痙如背反張。屬太陽。低頭下視。手足牽引。肘膝相搏。屬陽明。一目或左或右斜視。一手一足搐搦。屬少陽。發熱脉沉細。腹痛。屬太陰。以防風當歸湯治太陽陽明。發汗多而致痙者。以柴胡加防風湯治少陽。汗後不解。寒熱往來而痙者。獨不及少厥二陰。然痙病脉沉細。卽少陰脉也。傷寒厥陰亡陽。必顯內拘急症。卽靈樞在內者。陰痛不能仰之意。故

有製附子散。桂心白朮湯。附子防風散。意蓋有在也。况仲景以頭項強脊強。不能俛者。指爲太陽之瘕。原該三陽而言。其身踈足踈不能仰者。爲少陰之瘕。亦該三陰而言也。○此症與濕病相似。唯濕則身疼。瘕則身不疼。以此爲辨。

病身熱足寒。頸項強急。惡寒。時頭熱面赤。目脉赤。獨頭面搖。卒口噤。背反張者。瘕病也。

此瘕之全症也。身熱頭熱面赤。目脉赤。陽邪發於陽也。足寒惡寒。邪逆於陰也。獨頭面搖者。風主陽上行動。搖